



Aningaasaqarnermut Naalakkersuisoq

Aningaasaqarnermut Ataatsimiititaliap suliaq nr. 01.31.06/10-00466 pillugu sisamanngornermi ulloq 22. marts 2010-mi aalajangiineranik Naalakkersuisunut ilisimatitsineq.

**Maniitsumi suliffissuup ingerlanneqarnerata tiguneqarnissaa pillugu 2010-mi AGF-
imut kiffartuussinissamik aningaasaliissutinut isumaqatigiissut.**

Naalakkersuisut inassutigaat,

- kiffartuussinissamik isumaqatigiissut ilanngunneqartoq 1.125.000 kr.-inik aningaasartaqartoq taamak isikkoqartillugu akuerineqassasoq, aamma
- 1.125.000 kr.-nit konto pingaarnemit 20.11.72-imit, Illoqarfiit nunaqarfiillu ilaanni immikkut ittumik suliniutissatut sillimmatinut tunngasumit, aaneqassasut.

Aningaasaqarnermut Ataatsimiititaliap oqaaseqaatai

Kiffartuussinissamik isumaqatigiissutissatut missingiusiaq nassiunneqartoq arlalinnik kukkuneqarlunilu amigaateqarmat suliami matumani aalajangiinissani Aningaasaqarnermut Ataatsimiititaliap ulloq 29. marts 2010-mi kinguartippaa. Taakku maanna iluarsineqarsimapput, taamaattumillu isumaqatigiissut ataatsimiititaliamit akuerineqarsinnaalluni.

Pingaarnertut tunngaviumik isummersuutit 30. april 2010-mi allakkani ataatsimiititaliap allatai suli atuupput.

Nunat immikkoortuisa ineriartortinneqarnissaannut pilersaarut pillugu misissueqissaarneq UPA 2010-mi ilisimatitsissutitut nassiunneqartussatut Inuussutissarsiornermut Naalakkersuisup neriorsuutigisaa ataatsimiititaliamit qilanaarinearpoq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuerineqarput.**

Aningaasaqarnermut Ataatsimiititaliaq sinnerlugu

Naaja Nathanielsen
Aningaasaqarnermut Ataatsimiititaliap siulittaasua